

# Atuisuulernermi atuiunnaarnermilu nalunaarnissamut ilitsersuut



## Aallaqqaasiut

Nuussagaanni amerlanertigut eqqaamasassarpassuaqartarpoq. Eqqaamasassat ilagaat Nukissiorfinnut nuunnerup nalunaarutiginnissaa, tassani najugaqarfigisatoqqamiittut uuttuutit atorneerunnerat nalunaarutigineqassaaq, aamma najugaqarfigilikkami uuttuutit atorneqalernerat nalunaarutigineqassalluni. Nukissiorfinni sullitaajunnaarniaraanni najugaqarfigisatoqqami uuttuutit atorneerunnerat taamaallaat nalunaarutigineqassaaq.

## Allap atuineranik akilersuineq pinngitsoortiguk

Najugaqarfigisatoqqami atuinerup akilersorneqarnera inatsisit tunngavigalugit pisussaaffigineqartarpoq tassani atuisuujunnaarnerup nalunaarutigineqarnissaata tungaanut. Taamaattumik najugaqalersup atuinera akilerniannngikkaanni pingaaruteqartorujussuuvoq piffissaagallartillugu nuunnerup nalunaarutiginnissaa eqqaamanissaa.

## Atuisuulerluni nalunaaruteqarnerup pisinermik isumaqatigiissut assigaa


Atuisuulersutut nalunaaruteqarneq illit sullitatut aamma Nukissiorfiit pilersuisutut akornanni nalinginnaasumik pisinermik isumaqatigiissutip assigilluinnarpa. Taamaattumik pingaartuuvoq *illit nammineq isumagisimagukku* atuisuulersutut aamma atuisuujunnaartutut nalunaaruteqarsimanissat. Atuisuulersutut nalunaarutivit tignerani illit uagutsinnit pilersorneqarnissat pillugu ingerlaannartumik inatsisitigut atuutilersumik unioqutinneqarsinnaanngitsumik tamanna isumaqatigiissutaavoq, taavalu illit pilersuineq tamanna uagutsinnut akilertassagit. Taamaattumik tamanna ilaatigut pissutigalugu illit CPR-normut imaluunniit immersukkami atsiernerit kissaatigisarparput, imaluunniit illit NEM-ID-iinnik onlinekku uppersisikkusuttarparput. Taamaaliornitsigut qulakkeertarparput ilumut najukkanni tassaasoq illit atuisuulersussatut uuttuutunik nalunaaruteqartuusoq, aamma paasissutissat tigusimasagut 100 %-imik eqqortuusut tutsuiginartuusullu.

Tamatumunnga ilutigitillugu atuisuujunnaarluni nalunaaruteqarneq tassaavoq pisinermit isumaqatigiissutit atorunnaarsinnissaanut illuatungeriit isumaqatigiissutaat. Taamaattumik tamanna aammattaaq assingatut pingaartuuvoq piunasaqaatit qulaani nassuiarneqartut atuisuujunnaarnissamut nalunaarnermi aammattaaq eqqortuutinneqarnissaat.

## Akeqanngitsumik online aqutigalugu sullinneqarneq imaluunniit akiliuteqarluni immersugassat?

Ullumikkut illit marlunnik periarfissaqarputit nuunnivit nalunaarutiginnissaanut. **Periarfissaq siulleq** tassaavoq onlinekkut aqqiineq illit NEM-ID-utit atorlugu. Tamannalu illit nuunnivit onlinekkut nalunaarutiginnera akeqanngilaq. Malugiuk, taamaallaat sullitat inuit tassani pineqarmata uagut onlinekkut sullissivitsinnik atuisinnaasut.

**Periarfissat aappaat** tassaavoq immersugassamik immersuinissaq. Taamatut aqqiinermit akiliuteqartitsisarpugut immersuinikkut nuunnerup allanngortinnerani allaffissornermi aningaasartuutit matussusiisussanik. Tamanna taamaattumik uuttuummut ataatsimut immersuinermit ataatsimut 200 koruuninik akeqarpoq. Taamaallaalli annerpaamik pingasunut 500 koruuninik, imaluunniit uuttuutitut arlalinnut immersukkamut ataatsimut. Taamaattumik tamanna ilinnut 1.000 koruunit tikillugit akeqarsinnaasarpoq illit najugaqarfignarsimasannit atuisuujunnaarnissamut nutaamillu najugaqarfittaanni atuisuulernissamut nalunaaruteqassaguit.



The screenshot shows the Sullissivik website interface. On the left, there is a navigation menu with a search bar and a 'Gå til Min side' button. Below this is a section titled 'Målerregistrering' with two buttons: 'Tilmeld' and 'Afmeld'. On the right, there is a form titled 'Atuisunngornermik' (Registration) with the following fields and text:

- Header: **Atuisunngornermik**
- Text: *Maluginiaruk, immersugassaq una atornerqarpat akitsuuteqassaaq. Sullissivik aqutigalugu atuisunngorneq akeqanngilaq. (OBS! Innuttaasunut kisimi atuuppoq)*
- Text: **Kina atuisunngorniarpa?**
- Text: **Mobil tlf.:**
- Text: **Tilmeldingsblanket**
- Text: *Bemærk, at der pålægges tilmeldingsgebyr ved brug af blanket. Det er gratis at tilmelde sig online via Sullissivik (OBS! Gælder kun for privatkunder).*
- Text: **Hvem skal tilmeldes?**
- Text: **Navn:**
- Text: **CPR-nr. (eller kundenr.):**
- Text: **Tlf.nr.:**
- Text: **Mobil tlf.:**

## Onlinekkut sullissineq Sullissivik aqutigalugu

NEM-ID-eqaruit iluaqutaassaaq Nukissiorfinnut [www.sullissivik.gl](http://www.sullissivik.gl) aqutigalugu nuunnerit nalunaarutigigukku. Annerpaamik atuisuulernerpit imaluunniit atuisuujunnaarnerpit nalunaarutiginnera minutsinik tallimanik sivissussuseqarpoq, aamma tamatumunnga ilutigitillugu ammukarlutit immersukkat tunniukkiartornissaat imaluunniit mailikkut faxikkulluunniit Nukissiorfinnut nassiunnissaat pinngitsuussavatit.

Imaaliussaait...

### 1. Loggissaait

Sullissivik taassuma saqqaanut iseruit taava siullermik tuussavat 'Imminut sullinneq'. Taasuma kingorna kipparissoq nanissavat uunga tunngasoq 'Nukissiorfinnut atulersitsinermut

*atuiunnaarnermullu nalunaarniarit* taanna appassisumiippoq, taannalu tuussavat. Tamatuma kingornatigut taava NEM-ID atorlugu *isissaatit*.

## **2a. Online aqqutigalugu atuisunngornermik nalunaarnek**

NEM-ID-iutit atorlugu loggereeruit boksi *'Atuilerneq'* tooruk.

Tamatuma kingornatigut tulliuttut malillugit imaaliussaait:

- illoqarfigisat toqqaruk *'Aap'*-lu toorlugu (eqqaamajuk Nuummut atatillugu Nuuk aamma Nuussuaq assigiinngitsutut isigineqassammata)
- aqqusernup aqqata ilaa allaguk aqqusineq atugassat toorsinnaalernissaata tungaanut
- aqqusernup normua toqqaruk (malugiuk kisitsit siulleg tassaammat aqqusernup normua kisitsisillu aappaa tassaammat B-normu)
- *'OK'* tooruk ingerlaqqinniarlutit
- Najukkavit takussutissartaa aamma uuttuutit takutinneqassapput (tamanna qulakkeerniarlugu misissoqqaalaaruk)
- Najukkat aamma uuttuutit normui eqqortuuppata, taava tooruk *'Aap, tassunga adressimut atuilersinna'*
- Ulloq atuisuulernissamut nalunaarfiit allaguk (tassaagajuppoq ulloq iserterfigisat)
- PBS-imut ilaarusunnersutit nalileruk
- Nalunaaruk akiligassavit qallunaatut imaluunniit kalaallisut tigusarnissaat
- Mobilnormut mailadressillu allakkit (paasissutissat pingaaruteqartut, taava nalunaarfigisinnaasavatsigit pingaaruteqartumik)
- Akiligassat allami tigusarnissaat kissaatigigukku, tamanna krydsilissavat (Kissaatigaara akiligassap allagartaa adressimut allamut nassiunneqartarnissaa)
- *'Maleruagassat peqqussutillu akueraakka'* akuerinerat krydsileruk *'Aap'*-lu toorlugu

Onlinekkut atuisuulernissamut nalunaarnerit naammassivat. Tamatuma kingornatigut tikilluaqqusilluni mailimik tigusaqassaait.

## **2b. Online aqqutigalugu atuiunnaarnermik nalunaarnek**

NEM-ID-iutit atorlugu loggereeruit boksi *'Atuiunnaarnek'* tooruk.

Tamatuma kingornatigut tulliuttut malillugit imaaliussaait:

- Najukkat eqqortuunersoq misissoruk *'Atuiunnaarnek'*-lu toorlugu
- Atuiunnaarnermi ulloq allaguk (tassaagajuppoq ulloq nuuffiit)
- Akiligassat kingulleq inaarutaasoq sumut nassiunneqarnissaa allaguk (tamanna pingaarpoq, akiligassat kingulliit illit najugaqarfigilikannut nassiussinnaanissaannut, taamatut illit nukingisaarutininik tigusaqannginnissaat pinngitsoortinniarlugu)
- Tamatuma kingornatigut *'Atuiunnaarnek'* tooruk

Onlinekkut atuiunnaarnermullu nalunaarnerit naammassivat. Tamatuma kingornatigut atuiunnaarnermik nalunaarummik mailimik tigusaqassaait.

## Atuisuulernissamik aamma atuisuujunnaarnermik immersugassat

NEM-ID-eqanngikkuit nuunnerpillu nalunaarutiginnisaanut piffissarititaasup iluani pissarsiarisinnaanngikkukku, imaluunniit NEM-ID-imik pissarsinissat kissaatiginngikkukku taava immersugassaq atorlugu atuisuulernissat aamma/imaluunniit atuisuujunnaarnissat nalunaarutiginnisaavat atuisuulernissamut aamma/imaluunniit atuisuujunnaarnissamut nalunaarnermut akiliuteqarnikkut.

### 1. Atuisuulernissamut nalunaarneq

*Kina atuisuulernissamut nalunaarutigineqassava?*

Uani atuisuulertussap aqqa kiisalu CPR-normua allanneqassapput (imaluunniit sullitatut normua). Inuussutissarsiutillit aamma sullitanut allanut GER-normu allanneqassaaq (imaluunniit CVR-normu). Aammattaaq telefon- aamma mobilnormut kiisalu mailadressit ilisimatissutigineqassapput, taamatut sullitatsinnik qanimut attaveqaqatigiittarnissaaq kissaatigigatsigu.

*Najugaaq sorleq atuisuulertutut nalunaarutigineqassava?*

Tassani najugaaq atuisuulersussatut nalunaartup nuuffigisaa allanneqassaaq.

*Uttuutit sorliit atuisuulernissamut nalunaarutigineqassappat?*

Tassani uttuutit normui atuisuulernissamut nalunaarutigineqartussat allanneqassapput. Uttuutit tamaasa nalunaarsugaatigaagut, ungasianiillu atuaanissamut angusinnaasarlugit, taamaattumik pisariaqanngilaq atuaasimanerit allannissaat.

*Atuisuulernissamut nalunaarneq qaqugumiit atuutilissava?*

Tassani ulloq atuisuulernissap aallartiffissaa allanneqassaaq. Ulloq nuuffigisat nalinginnaasumik amerlanertigullu atuutilerfiusarpoq, imaluunniit ulloq inissiap tiguneqarfia.

Tamatuma kingorna toqqassavat akiligassap allagartaa qallunaatut imaluunniit kalaallisut pisarusunnerlugu toqqassavat.

*PBS kissaatigaajuk?*

PBS-ikkut akiliisarnissamut aaqqiineq innersuussutigiuannartarparput. Illilli taamaallaat ugguuna immersuiinnassaatit Nukissiorfinnut akiligassavit PBS aqutigalugu akilertarniarukkit. Malugiuk akiligassatit siulliit nalinginnaasumik akilerneqassammata, aamma aatsaat akiligassat tulliuuttut takkuttut PBS-ikkut akilerneqassammata.

*Atuisuulernissamut nalunaarutigisamit najukkamit allaanerusumut akiligassaq nassiunneqassava?*

Akiligassavit najukkannut nassiunneqartarfissaa atuisuulernissamut najukkat assigippagu, taava arlaannik allattariaqanngilatit – taamaallaalli akiligassat allamut najukkamut nassiunneqartarnissaat kissaatigigukku.

*Naggataatigut...*

...taamaallaat akuerissavat tuniniaanermut aamma pilersuinermit piumasaqaatit atuarsimagitit

akueralugillu, tamatumalu kingornatigut toqqarlugu allani marlunni krydsiliinissat, tamatuma kingornatigut ulloq atsiordfigisat nalunaarlugu kiisalu immersugassaq atsiordlugu.

## **2. Atuisuujunnaarnissamut nalunaarneq**

*Kina atuisuujunnaarnissamut nalunaarutigineqassava?*

Uani allanneqassaaq atuisuujunnaartup aqqa aamma CPR-normua (imaluunniit sullitatut normua). Inuussutissarsiutillit aamma sullitanut allanut GER-normu allanneqassaaq (imaluunniit CVR-normu). Aammattaaq telefon- aamma mobilnormut kiisalu mailadressit ilisimatitsissutigineqassapput, atuisuujunnaareernerup kingornatigut atuisuujunnaartutut nalunaartup attaveqarfigisinaanissaa kissaatigigatsigu, taamatut pisariaqartitsisoqassappat.

*Najugaq sorleq atuisuujunnaartutut nalunaarutigineqassava?*

Uani allanneqassaaq najugaq atuisuujunnaartup nuulluni qimataa.

*Uttuutit sorliit atuisuujunnaartutut nalunaarutigineqassappat?*

Uani allanneqassapput uttuutit normui atuisuujunnaartutut nalunaarutigineqartussat. Uttuutit tamaasa nalunaarsoreernikuuagut, ungasianiillu atuaanissamut angusinnaasarlugit, taamaattumik pisariaqanngilaq atuaasimanerit allannissaat.

*Atuisuujunnaarneq qaqugukkut atuutilissava?*

Uani ulloq atuisuujunnaarnerpit atuutilerfia allanneqassaaq. Ulloq nuuffigisat nalinginnaasumik amerlanertigullu atuutilerfusarpoq, aammattaaq tassaasoq illit ulloq inissiamit aniffigisat.

*Akiligassat kingullerpaaq sumut nassiunneqassava?*

Ungasianiit atuaanikkut ingerlaavartumik atuinerit takusinnaasaratsigu illit Nukissiorfinni sullitatut atuinerit qaammatit tamaasa akilertarsimavat. Taamaattumik najugarilikkat ilisimatitsissutigissagit kissaatigaarput, taamaaliornikkut akiligassat kingulliit ilinnut nassiussinnaanarlugit. Taamatut taava nukingisaarutininik akiligassanik nassinneqarnissat imaluunniit tamatuma kingornatigut ajornerpaatut AKILERAARTARFIK aqqutigalugu akiligassanik akilerneqarsimanngitsunik illit najugaqarfigisimasannut akileqqusissutinik nassinneqarnissat aarleqqutigisariaqassanngilatit.

*PBS-imut ilanngussimavit?*

Nukissiorfinnut akiligassatit PBS aqqutigalugu akilertarukkit arlaannik iliuuseqassanngilatit. PBS-imik isumaqatigiissut naammassineqassaaq akiligassat kingulliit akilerneqarpata.

*Naggataatigut...*

...taamaallaat ulloq atsiordfigisat nalunaassavat kiisalu immersukat atsiordlugu.

## **Ilitsersuummut tunngasumik apeqqutissaqarpit?**

Atuisuulernissamut aamma atuisuujunnaarnissamut nalunaarutitit nuuleruit malinnaaffigisinaanissaannut ikiorusuttorujussuuatsigit. Apeqqutissaqaruit, imaluunniit ikiorneqarnissannut siunnersorneqarnissannulluunniit pisariaqartitsissaguit nangaassuteqarnak allallutit saaffiginnissaatit imaluunniit sianerfigaluta.